

經部

詳校官監察御史臣襲歌文 給事中且温常終覆勘 校對官學正臣湯 垣 總校官無吉士臣何思釣 謄録舉人臣周文形

久正日日という 中庸一為會稽石氏集解自漁溪先生而下凡十 家朱文公皆為之序已而自著章句以十家之說 不敢取者朱氏或問問疏其失僅指摘三 賴略別者或問以開晚後學今每章首録 禮記集說 即繼以朱氏然十家之說凡 衛 湜 撰 鄭

五万里月 白書 庸用也孔子之孫子思仮作之 不足以盡之故曰中庸明道 為禽獸為異類中則為人中則不偏常則不易惟中 孔氏曰案鄭目録云中庸者以其記中和之為用也 河南程氏曰中之理至矣獨陰不生獨陽不生偏則 無窮然而陰陽之度日月寒暑畫夜之變莫不有常 以參繹其古意其有續得諸説則附於朱氏之後 言後學或未深解今以石氏本增入庶幾覧者可 卷一百二十三 又曰天地之化雖廓然

KIND IN LIVE 散為萬事末復合為一理明道 分精粗一彩說了今人語道多說高便遺却早說本 經中在其間伊川 孔門傳授成於子思傳於孟子其書雖是雜記更不 合卷之則退藏於密 明道 理也定理者天下不易之理也是經也孟子只言反 則不是中庸只是常猶言中者是大中也庸者是定 此道之所以為中庸伊川 一般記録流 又曰中庸之言放之則彌淌六 又曰中庸始言一理中 又曰中者只是不偏偏 又曰中庸之書是

金人口五人二百 蓝田吕氏曰中庸之書聖門學者盡心以知性躬行 書 以盡性始卒不越乎此書孔子傅之曾子曾子傅之 是傅聖人之學不雜子思恐傳授漸失故者此一卷 子思子思述所授之言以著于篇故此書之論皆聖 於事如國家有九經及歷代聖人之跡莫非實學也 便道却末伊川 如登九層之臺自下而上為是 又曰中庸是孔門傳授以法 又曰中庸一卷書自至理便推之 巻一百二十二 又曰中庸之書決

存乎功名而未及乎德行若後世學者有未及乎為 為人為已者心存乎德行而無意乎功名為人者心 有 之要本末具備矣既以淺陋之學為諸君道之抑又 明友之常道欲造次顛沛久而不達於仁豈尚一即 巴中則過與不及皆非道庸則父子兄弟夫婦君 人之緒言入德之大要也 行之說激者哉 所以告諸君者孔子曰古之學者為已今之學者 又曰中庸之書學者所以進德 又曰聖人之德中庸而 臣

とかしいましたが

禮記什就

執之其學固有序矣學者盖亦用心於此乎用心於 立喜怒哀樂未終之中以為之本使學者擇善而問 以拾此而超彼哉聖人之學不使人過不使人不及 科以取天下之士亦未皆使學者如是也學者亦何 立教以示後世未當使學者如是也朝廷建學設 則語之而不入等之而不行教之者亦何望哉聖人 此則養理必明施行必修師友必稱州里必舉仰企於 人而濟其私欲者今學聖人之道而先以私欲害之 をいるニナニ

乎則不肖今日自為読読無益不幾乎侮聖言乎諸 聞而取之與夫自輕其身涉獵無本徽幸一旦之利 君其亦念之哉 者果何如哉諸君有意乎于今日所講有望馬無意 廷之教養世之有道君子樂得而親之王公大人樂 神之情廣大精微罔不畢舉而獨以中庸名書何也 延平楊氏曰中庸為書微極乎性命之際幽盡乎思 上古可以不負聖人之傳俯達於當今可以不負朝 豊心其兒

欽定匹庫全書 言故物我異觀天人殊歸而高明中庸之學始兩致 予聞之師曰不偏之謂中不易之謂庸中者天下之 矣謂高明者所以處已而通乎天中庸者所以應物 正道庸者天下之定理推是言也則其所以書者義 者無以其也為是說者又為足與議聖學哉 新安朱氏曰中庸何為而作也子思子憂道學之失 而同乎人則聖人之處已者常過乎中而與夫不及 可知也世之學者知不足以及此而妄意聖人之 卷一百二十三 微

にこうらんにう 言者 道心之具者則 盖皆論之心之虚雪 所 有自來矣其見於經則 也人心性 其傳而作也盖自上古聖神繼天立極而道統之傳 正 ソス 而 則 授 禹也堯之一言至矣盡矣而舜復益之 所 所 以為 危道心性 以 明夫竟之一言必如是而後可無幾 どく 知覺者不同是以或危好而不 其或生於形氣之私或原於性 禮記集就 微 知覺一 惟 允 精 執 而已矣而以 惟一允 厥中者走之所以授舜 執厥中者舜 為有人 五 安或 **V**ス 命 20 也

金万四月百十 從 z榝 於方寸之間而 微 每 者 事 而 12 妙而 及之差矣夫堯舜禹天下之大聖也以天下 聽 之間 於 天 亦莫不有是性故 心命馬則 斯 理 難 無少 而 之公卒無以勝夫人欲之私矣精則察 見耳盖人莫不有是形故 不 危者安徽者著而 阊 雜 不 也一 斷 知 次 卷一 所 則守其本心 使道心常為一身之主 雖下愚不能無道心二者 百二十三 アス 治之則 動静云為自無過 危者愈危微 之正 雖上 而 智不 不 而 能 者 離 愈 傅 夫 雜 也 無

孫子思則去聖遠而異端起矣子思惟夫愈久而 氏曽氏之傳得其宗及曽氏之再傳而復得夫子之 功反若有賢於堯舜者然當是時見而知之者唯 若吾夫子則雖不得其位而所以繼往聖開來學其 皋陶伊傅周召之為臣既皆於此而接夫道統之傳 授受之際丁寧告戒不過如此則天下之理豈有以 天下之大事也以天下之大聖行天下之大事而其 於此哉自是以來聖聖相承若成湯文武之為君 愈 頹

沙芝四草 全書

禮記張說

金グロカとう 盡者也 之也 聖之書所以提 執 盖 ÞÝ 失其真也於是推本竟舜以來相傳之意質以平 相 則 其憂之也深故其言之也 聞父師之言更互演繹 精一之 後千有餘年而其言之不異如合符 詳 其曰天命率性則道心之謂也其曰擇善固 又曰中者不偏 謂 契綱 1 其曰君子時中則 維 卷一百二十三 開示縊與未有若是其明 不倚無過不及之名庸 作為此書以 切 其應之也遠故其說 机 中之 詔後之學者 即歴 調 運前 也 且 世 Ð

欠 日早在 常也 中一 事各得其中之 倚之名也無過不及者程子所 偏 過不及為說二者固不同矣子乃合而言之何也曰 心之體地之中 或問名篇之義程子專以不偏為言呂氏專以無 不倚云者程子所 名而有二義程子固言之矣今以其說推之 或問中庸二字熟重先生曰有中而後有庸 也無過不及猶行而不先不後理 名也盖不偏 被記集記 調在中之義未發之前無所 不倚循立而不 謂中之道也見諸 近四 旁 不 行 偏

我知此后看言 故 當事之中也故於未發之大本則取不偏不倚之名 在其中而呂氏亦云當其未發此心至虚無所偏倚 備 過不及之本體實在於是及其發而得中也雖其所 主不能不偏於一事然其所以無過不及者是乃 然方其未發雖未有無過不及之可名而所以為無 於已發而時中則取無過不及之義語固各有當也 程子又曰言和則中在其中言中則含喜怒哀樂 倚者之所為而於一事之中亦未嘗有所 巻一百 二十三 偏倚

易者可兼舉也况中庸之云上與高明為對而下 若驚世駭俗之事則可暫而不得為常矣二說雖 則二義雖殊而實相為體用此愚於名篇之義所以 之平常則直驗於今之無所說異而其常久而不 其致一也但謂之不易則必至於久而後見不治 之而子以為平常何也曰唯其平常故可常而不可易 不得取此而遗彼也 故謂之中以此心而應萬事之變無往而非中矣是 日庸字之義程子以不易言 殊 與 可 謂

Caronal Aire

禮記集說

淺近苟且之云乎曰不然也所 者又孰若平常之為切乎曰然則所為平常將不為 窮 亦 當 雖 無忌惮者相反其曰庸言之信庸行之謹又以見夫 用之常 豈同 炊 細 亦無適而非平常矣 而 微 而必信 無所 推而至於堯婦之禪授湯武之放伐其變無 流合汙之謂 詭 謹 異云爾是固非有甚高難行之事 則其名篇之義以不可易而為言 哉既曰當然 又 曰中庸一書本只是隨 謂平常亦曰事理之 則自君臣父子 E 而

多河四周全書

卷一百二十三

大口 以濟一已之私而後學者不可同日語矣至其所 是以為人為及物之事而涉獵徼幸以求濟其私者 吕氏以志於功名言之而謂今之學者未及乎此則 在 又下此一等也殊不知夫子所謂人者正指此下等 人也若曰未能成已而遷欲成物此特可坐以不能 時之中其所以有隨時之中者是緣有那未發之中 所先後之罪原其設心猶愛而公視彼欲求人 又曰為人之說程氏以為欲見知於人者是也 矢口

大きいつは んなら

禮記集說

金万四月全書 忠馬亦可以感悟而與起矣 吉則有以切中今時學者之病覧者誠能三復而致 雲川倪氏曰尭咨舜曰允執其中舜授禹曰允執厥 之際亦豈容學者有所取則於其間哉但其全章 是為準而取中馬則中者豈聖人之所强立而未發 執之者亦曰欲使學者務先存養以為窮理之地耳 立喜怒哀樂未發之中以為之本使學者擇善而固 語之未瑩乃似聖人强立此中以為大本使人以 卷一百二十三

歌定四軍全書 禮記集記 新定顧氏曰理有自然之則非過非不及聖人所以 與庸始合為一子思之名中庸盖本諸孔子也 始曰中庸之為德其至矣乎民鮮能久矣於是中之 繼 禮 以中對庸言之其在易之文言曰龍德而正中者也 中仲虺謂湯建中于民孟子曰湯執中文王演易以 二五為中武王訪箕子箕子陳洪範以皇極為中周 之日庸言之信庸行之謹然猶分言之也至論語 以五禮坊民偽而教之中而未有言庸者孔子始

天命之謂性率性之間道脩道之謂 ピラドノ 鄭氏曰天命謂天所命生人者也是謂性命率循也 先後無彼 中之以此道之運行末復歸之此道之本體所謂無 以名此 之幹又言常久而不已庸之謂也中也庸也聖人所 之曰庸易言太極書言皇極中之謂也易言正者事 名之曰中理無所變更歷萬世如一日聖人所以名 1:1:1 理之本體也中庸一書始之以此道之本體 此一以肯之 卷一百二十三 教

灰色日草白的 一 養之生却是脩道之謂教也至下文始自云能者養 教 天命之謂性也人之生也直意亦如此若以生為生 萬物者謂之天命明道 之以福不能者敗以取禍則乃是教也 孔氏曰自此至育馬一 循性行之是謂道脩治也治而廣之人做做之是曰 河南程氏曰言天之自然者謂之天道言天之付與 禮記係稅 節明中庸之德必脩道而行 又曰民受天命之中以生 明道 叉曰

金女中,五百十二 生而静以上不容說才說性時便已不是性也凡 善尚性也然悉亦不可不謂之性也盖生之謂性 孟子曰仁者人也合而言之道也中庸所謂率性之一 謂繼之者善也者循水流而就下也皆水也有流 對而生也有自幼而善有自幼而惡是氣禀有然也 謂道是也 也人生氣禀理有善惡然不是性中原有此兩 性只是說繼之者善也孟子言人性善是也夫所 又曰生之謂性性即氣氣即性生之謂 卷一百二十三 物 相

對各自出來此理天命也順而循之則道也循此而 清則性善之謂也故不是善與惡在性中為兩物 將清來換却濁亦不是取出濁來置在一隅也水之 少者清濁雖不同然不可以濁者不為水也如此則 至海終無所汙此何煩人力之為也有流而未遂固 緩急則遲清及其清也則却只是元初水也亦不是 漸濁有出而甚遠方有所濁有濁之多者有濁之 不可以不加 澄治之功故用力敏勇則疾清用力 相

大臣り事とよう

禮記集就

金人工人人一 神 聲無臭其體則謂之易其理則謂之道其用則謂 教孟子於其中又發揮出浩然之氣可謂盡矣故 神其命於人則謂之性率性則謂之道脩道則謂 馬此舜有天下而不與馬者也 脩之各得其分則教也自天命以至於教我無加損 為器須著如此說器亦道道亦器但得道在不繁 如在其上如在其左右合小大事而只曰誠之不 如 此夫徹上徹下不過如此 卷一百二十三 形而上為道形而 又曰上天之載無 說 2

故常簡易明白而易行禪學者總是强生事至如 賢論天德盖謂自家元是天然完全自足之物若 底性盖道即性也若道外尋性性外尋道便不是聖 而修治之是義也若不消脩治而不脩治亦是義 為不好底性則請別尋一箇好底性來換了此不好 所污壞即當直而行之若小有污壞即敬以治之 今與後已與人 如舊者盖為自家本質元是完足之物若合偷 先生常語韓持國曰如說安說 使 無

たいとの日本ハイカラ

禮記樣說

主

性 曰天 道 如顏子則便點識其他未免疑問故曰小子何述又 河 與天命之 無去處說此理本無二致也 此言上看得破便信是會禪也非是未尋得盖實 如日星之明衛患門人未能盡晚故曰予欲無言 大地之就是他山河大地又干你何事至如孔 何言哉四時行馬百物生馬可謂 所禀受也天命之謂性此言性之理也今人言 謂性同乎性字不可一縣論生之論 明道 又曰生之 明白矣若能 性 謂

金人口屋有量

卷一百二十三

大己可具 AS 性命者是所 則 亦通人物而言循性者馬則為馬之性又不做牛底 般 生之謂性凡天地所生之物 則無不善曰天者自然之理也 性柔緩性剛急皆生來如此訓所禀受也若性之 謂性率性之謂道者天降是於下萬物派形 可於中却須分別牛之性馬之性是他便只是 如釋氏說蠢動含靈皆有佛性如此則不可天命 謂性也循其性而不失是所謂道也此 禮記集就 須是謂之性皆謂之性 伊 71] 又曰告子云 山 各正

金灰巴左右 3分伊川 言道不消先立下名義則茫茫地何處下手何處者 意天只是以生為道 義之門亦是萬物各有成性存存亦是生生不已之 復之則入於學若元不失則何脩之有成性存存道 脩道之謂教此則專在人事以失其本性故脩而求 在天地之間與萬物同流天幾時分別出是人是物 性牛則為牛之性又不為馬底性此所謂率性也人 又曰人須是自為善又不可都不管他盖 卷一百二十三 又日率性之間道率循也若

大色の長んなる 虚與氣有性之名合性與知覺有心之名 同必欲為法於後世不可不偷 也循是而言之莫非道也道之在人有時與位之不 横渠張氏曰由太虚有天之名由氣化有道之名合 盤田呂氏曰此章先明性道教之所以名性與天道 有教馬修道之謂教豈可不修 一也天道降而在人故謂之性性者生生之所固有 即所謂中脩道之謂教即所謂庸中者道之所自 禮記集就 本云天命之謂 盂

銀灰豆居有書 節 天命之謂性性與天道本無有異但人雖受天地之 出庸者由道而後立盖中者天道也天德也降而在 民傳曰民受天地之中以生此人性所以必善故曰 人人禀而受之是之謂性書曰惟皇上帝降衷于下 發其非道也在我者侧隱羞惡群讓是非皆道也 如徒所得於天者不喪則何患不中節手故良心 故與天地 以生而格於最然之形體常有私意小知撓乎其 不 相 イレス **卷一百二十三** 所發遂至於出入不齊而不

COTTO LA 下之分莫敢争非出於性之所有安能致是乎故曰 也 之分則有彼我之殊在性之分則合乎內外一 已是皆人心所同然乃吾性之所固有隨喜怒哀樂 在彼者君臣父子夫婦昆弟朋友之交亦道也在 所發則愛必有等差敬必有節文所感重者其應 性之謂道循性而 九族之情無所憾自王公至皂隷儀章異制而 亦重所感輕者其應也亦輕 禮記集說 行無物捷之雖無不中節然 自斬至總喪服與等 體而 物

金灰四月全書 彈 禀於天者不能無厚導昏 禮閱子除喪而見孔子子之琴而彈之切 愠 小過小不及故喜斯陶陶 王制 雖 愠 侃 斯威威斯 不 PIT 中 侃而 禮不 敝 不遠矣然將達之天下傅之後世慮其所 敢過也子夏除喪而 樂曰先 刖 歎歎斯辟 其小過小不及者不 卷一百二十三 王制禮不 ,斯咏咏 辟斯 明 則應於物者亦 敢 踊 矣品節 斯 見 不 缅 可以不偷 及也故心誠 孔子子之琴 徇 斯 t刀 斯 斯之 不能 而哀曰 舞舞 此 求 而 謂 斯 無

矣此率 天倍情 具道以生也因 王所 為 樂以導之和 建安游氏曰惟皇上帝降衷于下民則天命也若通 八我至於 擅而有 以制禮故曰脩道之謂教 性之謂 則 非 無君兼愛至於無父則非 也固將與天下共之故脩禮以示之中 性矣天之所以命萬物者道也而性 此脩道之謂 其性之固然而無容 道也若出於人為則非道矣夫道 教也或蔽於天或敝 教 私 矣知天命 馬則道 在 者 我 不

というはんなう

禮記集說

支

謂 離 混或曰有三品皆非知天命者也 無不善則不可 日尊德性孟子曰知性養性未當言脩也然則道其 延平楊氏曰天命之謂性人欲非性也率性之謂 性 學以脩性非 孟子道性善盖原於此謂性有不善者誣天也性 性則孟子性善之說可見矣或曰性惡或曰善惡 訓 道也性天命也命天理也道則性命之理 加 矢口 損 性也故孔子曰盡性子思曰率性 也無俟乎脩馬率之而已 楊 道 雄 而

我好正是有言

ニナミ

用数 法只是率性而已所謂率性循 故 而 地 典 過不及者取中馬所以教也謂之 可脩乎曰道者百姓日用而 懸 耳 2 在天日命在人日性率 假饒立 隔 又曰人性上不可添一 又曰性命道三者一體而異名初無二致 又 曰荆公云天使我 得功業只是人欲 性而 不知也先王為防範使 有是之 天理是也外邊用 之 物光舜所以為萬世 行 脩者盖亦品即之 おム 曰道特所從言之 與聖賢作用 謂命命之在 計 6

灰巴马车台

被記集就

八

金グビルる 性命初無二理第所由之者具耳 子曰仁與義為定名道與德為虚位其意盖曰由 FIT 在天為命在人為性此 中庸言天命之謂性性即 我之謂性是未知性命之理其曰使我正所 也使然可以為命乎以命在我為性則 謂 而之馬斯謂之道充仁義而足手已斯謂 聖人之作易将以 灰 順 語 7:3 二十三 性命之 なく 天命也又豈二物 無病 悠亦 理是 半 性之 也. 命付一物 水 間道 澒 哉 义 如 謂 曰韓 女口 此 女口 使 奶 炊 岩 說 立

實體俗於已而不可離次言存養省察之要終言聖 傅之意以立言首明道之本原出於天而不可易其 義不足以盡道則以道德為虚位者亦非也 有也則捨仁義而言道者固非也道固有仁義而仁 新安朱子曰自此至萬物育馬是第一章子思述所 為虚位中庸曰天命之謂性率性之謂道仁義性所 所謂道德云者仁義而已矣故以仁義為定名道德 功 化之極盖欲學者於此及求諸身而自得之以

死巴口東 白馬

禮記張就

九

金河以下百十 扩 各 氣以成形 體要是也其下十章盖子思引夫子之言以終此章 去夫外誘之私而充其本然之善楊氏所 之義命猶令也性 得其所臟之理以為使順五常之德所謂 路 不各有當行之路是則所 同 也人物各術其性之自然則 而氣察或異故不能無過不及之差聖人因 而理亦赋馬循命令也於是人物 Бþ 卷一百二十三 理也天以陰陽五行 謂 道也脩品即之也性 其日用 事 化生萬 謂一篇 性 之生因 沙 之 也 間 道 物 之

CEUDIN ACTION 也 已矣故子思於此首發明之讀者所宜深體而點 而備於我學者知之則其於學知所用力而自不能 也 以為道聖人之所以為教原其所自無一不本於 初 教若禮樂刑政之屬是也盖人之所以為人道之所 實不外於我也天命之謂性言天所以命乎人 曰此先明性道教之所以名以見其本皆出於 物之所當行者而品節之以為法於天下則謂 或問天命之謂性率性之謂道修道之謂 禮記集說 教 天 何

金万四月百十 氣禀之異而其理則未曾不同此吾之性所以純粹 峁 萬化莫不由是而出以性言之則曰仁義禮知而四 性 能自己者命也吾之得乎是命以生而莫非全體者 雖 是則人之所以為性也盖天之所以賦與萬物而 至善而非若尚楊韓子之所云也率性之謂道言循 也故以命言之則曰元亨利貞而四時五行庶 有性命之分而其理則未當不一在人在物 五典萬物萬事之理無不統於其間盖在天在人 卷一百二十三 雖有 類 不

也 謂性者無一物之不得故所謂道者不假人為而 道也循其禮之性則恭敬辭讓之即文皆道也循其 循其仁之性則自父子之親以至於仁民愛物皆道 行之路是則所 其所得乎天以生者則事事物物莫不自然各有當 理之不具故所謂道者不待外求而無所不備 之性則是非邪正之分别亦道也盖所謂性者 循其義之性則自君臣之分以至於敬長尊賢皆 謂道也盖天命之性仁義禮知而已 無 所 無

くこう はんに

禮記集說

主

多为四月五十二 為而亦豈人之所得為哉脩道之謂教言聖人因是 臣豺 有以存其義理之所得尤可以見天命之本然 道 性 所不周雖鳥獸草木之生僅得形氣之偏而不能 以通賞乎全體然其知覺運動榮瘁開落亦皆循 而品即之以立法垂訓於天下是 隅 而各有自然之理馬至於虎狼之父子螻蟻之君 而 賴之報本雖鳩之有别則其形氣之所偏又反 所 謂道者亦未當不在是也是豈有待於人 卷一百二十三 則所謂教 也盖 初 其 有 無

反己日年在島 有所乖戾好逆而無以適乎所行之宜唯聖人之心 無以全其所受之正性有不全則於所謂道者固以 欲或生其間而於所謂性者不免有所昏蔽錯雜而 能及而得於此者亦或不能無失於彼是以私意人 不得不具者是以賢智者或失之過愚不肖者或不 者也人雖得其形氣之正然其清濁厚薄之禀亦有 天命之性率性之道皆理之自然而人物之所同得 明純粹天理渾然無所虧闕故能因其道之所 禮記集於 Ī 在

金ケビルイニ 愚事無大小皆得有所持循據守以去其人欲之私 盡其分則義之為教行矣為之制度文為使之有以 パ 守而不失則禮之為教得矣為之開導禁止使之有 情則仁之為教立矣有以別其貴賤之等而使之各 有以取中馬盖有以辨其親疎之殺而使之各盡其 而為之品節防範立法以教於天下使夫過不及者 復乎天理之正推而至於天下之物則以順其所 別而不差則知之為教明矣夫如是是以人無 卷一百二十三

欠 とり事とち 則知天之所以與我者無一理之不備而釋氏所謂空 乎天者而强為之也子思以是三言者於篇首雖曰好 者非性矣有以得乎率性之説則知我之所得乎天者 則其所知宣獨名義之間而已哉蓋有得乎天命之說 欲達其所惡因其材質之宜以致其用制其取用之即 以釋夫三者之名義學者能因其所指而反身以驗之 之道以致其彌縫輔替之功然亦未始外乎人之所受 以遂其生皆有政事之施馬此則聖人所以財成天地 被紀集就 手

金グロカる言 甚易之不能已者而為致其持守推行之力則夫天命 道之說則知聖人之所以教我者莫非因其所固有而 所固有之不可昧者而益致其學問思辨之功因其所 家衆技之支離偏曲皆非所以為教矣由是以往因其 去其所本無背其所至難而從其所甚易而凡世儒之 之性幸性之道宣不昭然日用之間而脩道之教又將 訓詁詞章官商之權謀功利佛老之清淨寂滅與夫百 無一物之不該而老氏所謂無者非道矣有以得乎脩 冬一百二十三

未的之處指其自然發見各有條理者而言以見道之 能至是一節亦甚精密但謂人雖受天地之中以生而 所以得名非指修為而言也呂氏良心之發以下至安 格於形體又為私意小知所撓故與天地不相似而 思程子所指人欲未的自然發見之意矣游氏所 所謂道者又在修為之後而反由教以得之非復子 發不中節必有以不失其所受乎天者然後為道則

由我而後立矣

又曰程子之論率性正就私意人欲

とこうしているう

禮記集說

孟

金万匹匠 意耳吕氏所謂先王制禮達之天下傳之後世者得 故其門人亦多祖之但所引舜事或非論語本文之 復之云却似未合子思本文之意獨其一條所謂循 此修之各得其分而引舜事以通結之者為得其旨 有呂氏之病也至於修道則程子養之以福修而求 無容私馬則道在我楊氏所謂率之而已者似亦皆 之但其本說率性之道處已失其旨而於此又推本 之以為率性而行雖已中卽而所禀不能無過不及 白書 卷一百二十三

といりはんよう 指為王氏之失不唯似同浴而譏裸程亦近於意有 則 豈真以為有或使之者哉其曰在天為命在人為性 多病然此所云天使我有是者猶曰上帝降衷云爾 文之意耳改本又以時位不同為言似亦不親切 後世所以又當脩道而立教馬則為大繁復而失本 若能心誠求之自然不中不逐但欲達之天下傅之 程子亦云而楊氏又自言之盖無悖於理者今乃 又曰楊氏所論王氏之失如何曰王氏之言固為 禮記集說

金少世屋有事 萬古生生不息必有主宰之者理是也理在其中 有 行氣到便生物似分付命令一般 不平而反為至公之累矣且以率性之道為順性命 谿陳氏曰命循令也天不言如何命只是大化流 ひへ 理文意亦不相似若游氏以遁天倍情為非性則 不若楊氏人欲非性之云也 紅故大化流行生生未當止息所謂以理言者 理言有以氣言其實理不外乎氣盖二氣流行 卷一百二十三 又曰命有二義

也之命是又就真氣清濁不齊上論是說人之智愚 命又一等如孟子所謂仁之於父子義之於君臣命 說貧富貴賤壽天禍福如所謂死生有命與莫非命 貞之理而言則謂之天命如就氣說亦有兩等一等 指理而言天命即天道流行赋予於物者就元亨利 如天命之謂性五十知天命窮理盡性至於命此旨 也之命此乃就受氣短長厚薄不齊上論是命分之 **非有離乎氣只是就氣上指出不離乎氣而為言耳**

大三日明人

禮記集就

金河口月 有一 義禮智之實理便是信如四行無土便都無所該載 賢否 子曰天所付為命人所受為性然不分看則不分 禮得天命之利在我為義得天命之貞在我為智仁 義禮智得天命之元在我為仁得天命之守在我為 言天地間人物公共之理性是在我之性性字從生 從心是人生具是理於心方名曰性其大目以是仁 又曰性命本非二物在天謂之命在人謂之性程 又曰性即理也不謂之理謂之性盖理是凡

孟子浩然之氣塞乎天地一句掇塞字來說氣就孟 以生人得五行之秀正而通所以仁義禮智粹然獨 子志氣之即扱即字來說理人與物同得天地之氣 亂所以謂之命謂之性者何故大抵性即是理然人 所以横渠曰天地之塞吾其體天地之即吾其性就 不外乎氣得天地之氣成此形得天地之理成此性 之生不成空有是理須有形骸方載得此理其實理 不合看則支離了須渾然 理中看得有界分不相

たい 日見とち

被記恭說

王

金万と、人ろうと 夾雜人隨所值便有參差不齊然氣運往來自有真元 之會如馬法并到本數凑合所謂日月如合璧五星如 除性汞火性燥水性潤金性寒木性温土性厚重七者 通 與物具物得氣之偏為形骸所拘所以其理閉塞不 齊只緣氣票不同此氣只是陰陽五行之氣如陽性剛 發出氣禀一段所以啓後世紛紛之論人有萬殊不 無惡孟子道性善就大本上說得極親切只是不曾 又曰天命人以是理人所受以為性皆本善而 卷一百二十三

とこうう たいう 者懦弱值陽氣之惡者燥暴念戾值陰氣之惡者狡調 節人生多值此不齊之氣值陽氣多者剛烈值陰氣多 晦之時多不寒不暑光風霽月之時極少難得恰好時 與禽獸無異却是氣禀如此陽氣中有善惡陰氣中亦 連珠時相似聖人便是禀得負元之會然天地間參差 **姦險有人性圓一撥便轉有性愚如一句善言說不入** 不齊之時多負元會合之時少如一歲間極寒極暑陰 有善惡如通書所謂剛善剛惡柔善柔惡不是陰陽氣 禮記集說 文

的直至二程得源溪太極圖開端於本性之外發出氣 韓文公三品皆只說得氣東收蘇氏又謂性未有善惡 言人一已百人十已千雖愚必明雖柔必强正為此 孟子不說到氣禀所以前子以性為惡楊子言善惡混 氣有粹駁便有賢愚然氣雖不齊大本則一雖下愚亦 五峰胡氏又謂性無善惡皆是含糊捉摸不曾說得端 可變而為善只為工夫最難非百倍其功者不能子思 本惡只是分合轉移齊不齊中自然成粹駁善惡耳因 自

金月四月月音

卷一百二十三

CA.) D LOT 1.15 禀 所當行之理衆所共由方謂之道 獨行不得謂之路道之大綱只是日用間人倫事 當 中分別出天地之性不與相離為言耳此意學者 本言之其實天地之性亦不雜氣質之中只是就氣 不備論氣不論性不明二之則不是此說不可改 矢口 又曰氣質之性是以氣禀言之天地之性是以大 一段方見得善惡所由來故其言曰論性不論氣 之 又曰道循路也人所通行方謂之路 禮記係說 又曰老氏以 芜 易 無 物

金河巴戶有事 道君臣是器父子有親親即是道父子是器非於君 器其實道不離乎器道只是器之理人事有形狀處 見者謂之道自形而下者言之其顯然可見者謂之 道形而下者謂之器自形而上者言之其隱然不可 為宗佛氏以空為宗以未有天地之先為吾真體以 此之謂器人事中之理便是道如君臣有義義即是 乃為得道不知道只是人事之理耳形而上者謂之 天地萬物為幻視人事為粗迹盡欲屏除一歸真空 卷一百二十三

次定四車全書 人 陽 楊之謂道陰陽氣也形而下者也道理也即陰陽之 臣父子之外別有所謂義與親 令也天不言而無私豈有命令付與於人哉正以陰 凍水司馬氏曰性者物之所禀於天以生者也命者 說道多就人事上說惟此句刀賛易時說來歷根源 可與適道道在爾之類又是就人事上論聖賢與人 理形而上者也此孔子就造化根源上論如志於道 相推八卦相盪五行周流四時運行消息錯綜變 禮記集說 又曰易說一陰 幸

毎ラビノ 非 生木為仁金為義火為禮水為智土為信五常之本 之性必具顧其少多厚薄則不同矣或相倍徒或相 無依仁義禮智非信無成孟子言四端為無誠信則 既禀之於天則不得不謂之天命也水火金木非土 物之靈得五行之秀氣故皆有仁義禮智信與身俱 化無窮無物禀之以生各正性命其品萬殊人為萬 什百或厚於此而薄於彼或厚於彼而薄於此多且 仁義禮智矣夫人禀五行而生無問賢愚其五常 JULY TO 卷一百二十三

沙芝四車全事 一 其五常之道以充其性能充性而脩之則必以古聖 我之謂性不唯人之受而有是也至草木禽獸昆蟲 臨川王氏曰人受天而生使我有是之謂命命之在 賢之教為法而自養其心不先脩道則不可以知命 魚鼈之類亦禀天而有性也然性果何物也曰善而 而已率其性不失則五常之道自明然人患不能脩 已矣性雖均善而不能自明欲明其性則在人率循 厚者為聖賢少且薄者為庸愚故曰天命之謂性 禮記集就

金グドノイニー 易曰窮理盡性以至於命易何以不先言命而此何 回者是亦中人之性也唯能脩之不已故庶幾於聖 脩之則謂之教至於聖人則豈俟乎脩而至也若顏 故曰自誠明謂之性自明誠謂之教夫教者在中人 性命也是中庸與易之說合此皆因中人之性言也 廣漢張氏曰天命之謂性此言性之統體也率性之 以首之盖天生而有是性命不脩其道亦不能明 也 卷一百 二十三

というこ べいう 施矣 海陵胡氏曰性之善非獨聖賢有之也天下至愚之 可得而全而萬化可備於已也然而非先識夫天性 而人自拘於氣禀之小耳茍能致存察之功則天性 致存察之功而有諸已者也一人之性天地之性也 謂道此言萬化之流行也脩道之謂教此言人所 人皆有之然愚者不知善性之在已也不能循而行 之大則無以見萬化之流行而工夫在我者亦無所 禮紀朱統 手

動坑四月全書 廣安游氏曰性以天命言之言其本於自然與生俱 教民以仁也制為盧井使出入相友守望相 生者也率者循也脩者有所不至而脩之也率性之 相 之在上者當脩治充廣無常之道使下之民觀而儉 之故謂之教老吾老以及人老幼吾幼以及人幼此 扶持此教民以義也郊社宗廟致敬思神此教民 號施令信賞必罰不欺於民此教民以信 智也設為冠昏喪祭鄉飲酒之儀此教民以禮也 巻一百二十三 助疾病 也

ノニンリョア ハエラ 能率其性則道在是矣士君子脩其道使天下遵其 兩等而已 其性而無失下者資於教以脩之天下之人不過此 其性則必脩有所未至而後可子思之意使上者 特率循之而已若自明而誠則誠有所未至未能率 晉陵喻氏曰人之生天之命也有命則有性性出於 天則天下之性一也人受天地之中以生其誰無性 謂道此亦自誠而明者言也自誠而明則其性自正 禮記集說 ÷ 循

吾欲言之天何言哉動静語然何者非道識子貢之 而聞盖性與天道本乎自然天地之內何者非天天 教循理而動不失所以得於天者則中庸之德行矣 篇無非教也孟子曰性善非孟子自言也古聖人之 不 夫子未當言性子貢曰夫子之言性與天道不可得 之所生 何者非性苟不悖馬則與天為一性斯存也 謂率識所 可得而聞而後識所謂天識所謂命識所 謂脩識所謂道且識所謂 教也中 謂性 庸之 識

銀好四月全書

卷一百二十三

人にうまたいたコー 馬氏曰性在於我而今之者在天故天命之謂性道 者善也秉桑好德非善而何 惟皇上帝降表于下民若有恒性衷者善也恒非善 惟人萬物之靈靈非善而何萬物化醇醇非善而 言也古之言性者有曰惟民生厚因物有遷厚即 也遷即習也有曰人生而静天之性也感物而動性 之欲也静者善也感者習也生之謂性生非善而 何天生烝民有物有則民之東異好是懿德物 禮記集就 平四 何 則 何

多月ロルイコード 謂 以治於我而不遺於物此其道所以具天地之統古 山陰陸氏曰王文公云天便我有是之謂命命之在 出於天而成之者在人故率性之謂道教在於彼而 今之大體也 主之者在此故脩道之謂教自天命之謂性至率性 之謂道則天人之理備矣自率性之謂道至脩道之 我則物我之治具矣有以得於天而不遺於人 之謂性道法自然道有率而無脩脩教之事也佛 卷一百二十三 有

たたりまれたける 皆命也莫非性也凡命之在我而各有儀則者皆性 有所不足不敢不勉有餘不敢盡也 日佛老之道無之則昧理有之則害教然則所謂 也率其性則性之全性之全故為道道則天也有 延平周氏曰莫非命也凡天之與我而同然無間者 者何也曰仁以人之義以宜之禮以卽之信以成之 氏言理性是亦性也老氏言道德是亦道也然不 入仲尼之域者以知率之而不知脩之之道也故 禮記集說 三十五 可 脩

多分口居台書 馬 莫之致者皆非人力所可能也是天命之說也惟易 哉今日天命之謂性非天諄諄然命之也孟子曰莫 馬脩其道則道之散道之散故為教教則人也有天 當言之窮理盡性以至於命理窮矣性盡矣然後至 吴與沈氏曰性不可言也大包天地圓徹太虛雖皇 之為而為者天也莫之致而致者命也凡言莫之為 天上帝亦與之同然於無何有之初豈復有使然者 卷一百二十三 :

禮智皆然易曰寂然不動感而遂通天下之故此率 兆 性為道之說也性非可脩則道不可脩也脩之云者 子入井而惻然之心生是率性而為仁之道也簞食 動者無非真也性本無事為率爾而有動則為道也 於命則命為天理之自然也果矣率非循也率然而 正美呼爾而弗受是率性而為義之道也引而伸之 仁義禮智雖具於性非事夫仁義禮智者也乍見孺 有所增損也品即文節之耳向也仁義禮智之

Read the Little

禮記條說

卖

金月四月全書 晉陵錢氏曰性道教三者一篇之大肯命循界付也 廣主智行於賢者而父子君臣廣主賢者之教著矣 即兹三者而見矣 性 自性而道自道而教中庸盡具於此當謂天命之謂 於性則為道今也仁行於父子義行於君臣禮行於 大所界付非人所能人所能者率性脩道也性無不 謂道兼體用而言之也造道者欲知中庸之極會 此中庸之體也脩道之謂教言中庸之用也率性 卷一百二十三

ころうはんこう 也首於乾坤發明性善之義曰大哉乾元萬物資 盖大本要道無以先此大易聖人所以開物濟民者 于盟津曰人為物靈凡皆立國之初是為庫言之首 蹜 善循而行之是之謂道道有品即脩而全之是之 問政而下所以詳言修道之謂教自仲尼祖述而 所以詳言天命之謂 教自道不可離而下所以詳言率性之謂道自哀公 邛 魏氏曰成湯告民於毫曰民有恒性周武誓衆 禮記集紀 性 11+2 始

銀灰四月全書 將以順性命之理是則易之為書其大本要道顧 禮成性道義皆由此出也而終之曰聖人之作易也 也成之者性也循曰是理也行乎氣之先而人得之 弗察也於緊蘇中之曰一陰一陽之謂道繼之者善 有不資於元元則萬善之長四德之宗也循慮人之 先於此者乎故子思於中庸撮其要而言之若曰天 以為性云爾曰成性存存道義之門則又示人以知 日至哉坤元萬物資生凡各正性命于天地間者未 卷一百二十三 有

てこり見べふう 蔡氏曰言性道教之所以明也性者天理之混然道 者有所持循也 者循性之自然教者聖人因其自然而品節之使學 即天命之性率性之道脩道之教也此性本體清明 新定顧氏曰以中庸名書而發端之詞若此明中庸 是道而品卽之以示訓則謂之教嗚呼聖賢之心後 所以命于人則謂之性率乎性而行之則謂之道 一揆故中庸之首則易與語誓之首也 禮記作說 手八 即

多江口月至書 而 廣大所謂太極者也良知良能具馬萬善出馬曰中 所述作以綱 曰天命之謂性不以形體論而以義理言之也自然 日庸聖人所以明此性之德爾人之生也均真此性 動聖人之能事畢矣故曰率性之謂道由是而有 自然不得不然故曰天命之謂性人偽不的順 理謂之天天之有命理之所不容違者也人性本 形體言之天亦由 理世變以啓迪人心故曰脩道之 卷一百二十三 此 理而生由 此 理而運行今而 調教 理

率循也循性而行即中庸之道也人皆有此性則皆 而中未嘗不在也並言中庸而無所不在也 言庸或並言中庸獨言中而庸未管不在也獨言庸 動静函非剛柔而剛柔具 極在中一而萬萬而一故是書之作或獨言中或獨 四明衣氏曰充舜禹相授受曰中中者何非動静而 天下地萬泉昭布往古來今萬變多錯所謂中者只 如 此而已 又曰太極未分包括陰陽分陰分陽太 又曰庸常也常中也上 又曰

とうこうこう とよう

禮記集就

幸九一

則 禮記集說卷一百二十三 起穿鑿之意見不生支離之言論必有事馬而行所 道不慮而知不學而能在我率而行之耳有所矯 五典皆道也而即仁義禮智信五常之性也此性此 無事是之謂率性 不可以言率性委諸自然則亦不可以言率性不 拂

多次四年全書

其所 た三日日 欽定四庫全書 道也者不可須臾離也可離非道也是故君子戒慎乎 子慎其獨也 鄭氏曰道猶道路也出入動作由之 君子雖視之無形聽之無聲猶戒慎恐懼自修 禮 不須史離道 不睹恐懼乎其所不聞莫見乎隱莫顯乎微故君 記集說卷一百二十四 也慎獨者慎其間居之所為雖 禮記集說 衛湜 離則惡乎從 撰 正是 隱

金月四月全書 息 睹 可須 微 河南程氏曰一物不該非中也一事不為非中也 而肯犯乎雖耳所 恐懼乎其所不聞而已由是而不息馬則上天之 若有現聽之者是為顯見甚於衆人之中為之 氏曰人雖目不睹之處猶且戒謹況其惡事睹 知也謹其獨者謹其獨居雖居能謹畏守道也 與離 存非中也 也可 離非道也修此道者戒慎乎其所 何哉為其偏而已矣故曰道也者 不 聞 塞一百二十 猶 須恐懼 œ 况人聞之處恐懼 見 不

たこうしていか 聖賢然中間致之之方更有多少尚子雖能如此 乎為士終乎為聖人今學者須讀書纔讀書便望為 間有多少般數其所以致之之道當如何尚子曰始 臭可以馴致此 說如何曰馴致漸進也然此亦大綱 載無聲無臭可以剔致也 說固是自小以至大自修身以至於盡性至命然其 生語云人能戒慎恐懼於不睹不聞之間則無聲無 以禮義為偽性為不善他自性情尚理會不得 禮記集乾 伊 [יו 或 問游宣德記先

與巴未當相離則若不克已復禮何以體道道在 道也克已復禮乃所以為道也更無別處克已復禮 生道得聖人大抵以堯所行者欲力行之以多聞 之謂道亦可傷乎公之所謂道也如公之言只是 見取之其所學者皆外也 不是與已各為一物可跳身而入者也克已復禮 自指其前一物 國曰道上更有甚克莫錯否曰如公此言只是說 日此道也他本無可克者若知道 先生嘗論克已復禮韓 多

多好四月全書—

四

為朋友無所為而非道此道所以不可須史離也然 道而何至如公言克不是道亦是道也實未當離得 道為有間非天地之全也彼釋氏之學於敬以直內 天下也無適也無其也義之與比若有適有其則於 故曰可離非道也理甚分明又曰道之外無物物之 則毁人倫去四大者其分於道也遠矣故君子之於 所親即君臣而君臣在所敬以至為夫婦為長幼 無道是天地之間無適而非道也即父子而父子

欠已日早上島

禮記集就

金吳正是石量 者要之其本亦不是 枯 則] 則有之矣於義以方外則未之有也故滞固者入於 若人彈琴見螳蜋捕蟬而聞者以為有殺聲殺在 箇覺之理可以敬直內矣然無義以方外其直內 顯見所不見聞者為隱微然 稿疏通者歸於肆恣此佛之教所以為**随也吾道** 不然率性而已 聞其琴而知之豈非顯乎人有不善自謂 斯 理 巻 叉曰人只以 也聖人於易備之又云佛有 二十四 不 知 理却甚顯 耳目所 見聞者 也且

沙包刀車 在馬 如見大實使民如承大祭看其氣象便須心廣體 這是箇持養底氣象也 穆不已天之所以為天也純亦不已文王之所以為 動容問旋中禮自然唯慎獨便是守之之法 獨 而信者追難為形狀養之則須直不愧屋漏與慎獨 文也此天德也有天德便可語王道然其要只在慎 明道 又曰要修持他這天理則在德須有不言 禮記集就 又曰孔子言仁只說出 四 胖 曰

不知之然天地之理甚著不可欺也

伊川

又曰於

金灯口屋有量 藍 道也成象之謂乾效法之謂坤天立是理地以效之 日道之為言猶道路也凡可行而無不達皆可謂 欺其心人心至靈一萌于思善與不善莫不知之他 飲食居處之不可去可去皆外物也誠以為已故 在 洒掃應對便是形而上者理無大小故也故君子只 雖明有所不與也故慎其獨者知為已而已 慎獨 田吕氏曰此章明道之要不可不誠道之在我猶 明道 卷一百二十四 不 Ž

とこうこ ことう 道惑也 賊恩害義不知有君臣父子者不及而離乎此者也 性之謂道則四端之在我者人倫之在彼者皆吾性 雖過不及有差而皆不可以行於世故曰可離非道 也非道者非天地之中而已非天地之中而自謂有 也絕類離倫無意子君臣父子者過而離乎此者也 命之理受乎天地之中所以立人之道不可須史離 況於人乎故人效法於天不越順性命之理而已幸 又曰所謂中者性與天道也謂之有物則 禮記集記

銀好四周全書 者見乎此則庶乎能擇中庸而執之隱徵之間 古之君子立則見其參於前在興則見其倚於 事馬言者莫見乎隱莫顯乎微體物 何所見乎洋洋如在上如在其左右是果何物乎學 不見聽之不聞無聲形接乎耳目而 不得於言謂之無物則必有事馬不得於言者視之 欺威之而能應者正惟虚心以求之則庶乎見之 之於耳目不 可道之於言語然有所 卷一百二十四 而 可以道也必有 謂 不可遺者也 昭 昭 不 衡 而 可 是 不

とこうらんたう 建安游氏曰道外無性性外無道曾謂性而不 須臾離也 女口 故 乎故惟盡性然後能體道惟至誠然後能盡性尚未 顏子事斯語坐如尸坐時習立如齊立時習是不 上蔡謝氏曰敬則外物不能易坐如尸立如齊出門 乎此則何戒慎恐懼之有哉此誠之不可揜也 見大實使民如承大祭非禮勿言動 日莫見乎隱莫顯乎微然所以慎其獨者苟不見 禮記集院 視聽 須是如 可 離

金分四屋有書 顣 延平楊氏曰獨 睹 微 至於至誠則常思誠以為入道之階故戒謹其所 矣而心獨聞之不亦顯乎 見 不能謹獨是自欺也其離道遠矣 可謂隱矣而心獨見之不已見乎人所不聞可謂 恐懼乎其所不聞所以謹其獨而思誠也人所 視聽所及而其幾固已瞭然心目之 加馬雖欲自敬吾誰欺欺天乎此君子必慎 非交物之時有動于中其違未遠也 卷一百二十四 知莫見乎隱莫顯乎微 間矣其為 不 不

萃之野以樂堯舜之道夫堯舜之道豈有物可玩而 夫盈天地之間熟非道乎道而可離則道有在矣等 履無非道也此百姓所以日用而不知伊尹耕於有 衣飢而食日出而作晦而息耳目之視聽手足之舉 則 之四方有定位馬適東則離乎西適南則離乎北斯 其獨也益道無隱微之間於獨而不謹是可須臾離 也故立則見其參於前在興則見其倚於衡 可離也若夫無適而非道則爲得而離即故寒而 又曰

大色习旨 在馬

被記泉就

<u>ا</u>

金グロガノア 君子之心常存敬畏雖不見聞亦不敢忽所以存 樂之乎即耕於有革之野是已此農夫田父之所 不可須史離也若其可離則為外物而非道矣是以 新安朱氏曰此第一章第二節道者日用事物當行 用者而伊尹之樂有在乎是若伊尹所 理之本然而不使離於須臾之頃也隱暗處也 之理皆性之徳而具於心無物不有無時不然 也獨者人所不知而已所 卷一百 二十四 獨 知之地也言幽暗 謂知之者也 微 所 細 E

大三日日 白 曰此 也是故君子戒慎乎其所不睹恐懼乎其所不聞 遠 於將前而不使其潜滋暗長於隐微之中以至離道之 是以君子既常戒懼而於此尤加謹馬所以遇人 獨 而又曰莫見乎隱莫顯乎微故君子慎其獨也何也 也 知之則是天下之事無有著見明顯而過於此者 知 微之事跡雖未形而幾則已動人雖不知而 因論率性之道以明由教而入者其始當如 或問既曰道也者不可須臾離也可離非 被祀乐記 矣 道

金次口匠人 其所不睹不聞者所以言道之無所不在無時不然 者率性而已性無不有故道無不在大而父子君 念之方前而致察馬以謹其善惡之幾也益所謂 也又言莫見乎隱莫顯乎微而 學者當無須臾之不謹而周 益兩事也其先言道不可離而君子必戒慎恐懼乎 悉無不顯著又有甚於他人之知者學者尤當隨其 以言隱微之間人所不見而已獨 卷一百二十 防之以全其本然之體 四 君子必慎其獨者所 知之則其事之纖 臣 道

不可離者而持守之也是以日用之間須臾之頃持 不 為 其可以暫離而於事無所損益則是人力私知之 地貫徹古今而 易之理所謂道也是乃天下人物之所共由充塞天 小而動静食息不假人力之為而莫不各有當然不 可離者而品節之也君子之所由以為學者 者而非率性之謂矣聖人之所修以為教者因其 則治失之則亂益無須臾之頃可得而暫離也若 取諸至近則常不外乎吾之一心循 禮記集就 因其 所

たとり事とち

金岁口匠 守功夫一 曰不見是圖禮之言事親而曰聴於無聲視於無 目之間常若見其不可離者而不敢有須史之間 其目之所 有人之形而其達禽獸也何遠哉是以君子戒慎 而人欲間之則亦判然二物而不相管矣是則雖 於人欲之私 不待其徵於色發於聲然後有以用其力也夫 有不至則所謂不可離者雖未當不在我 不及見恐懼乎其耳之所不及聞瞭然心 而陷於會獸之域若書之言防怨 卷. 百 二十四 乎 形 而 E

白雪

大三四年上島 甚於他人之知矣又 於聲音容貌之間發於行事施為之實必有暴著而 他 不可揜者又不止於念慮之差而已也是以君子 皎 為 事乃他人之所 人之所 如 如 此 日月既已 可以欺天罔人而不必謹者而不 矣 別又以 不見而 禮記集說 知之則其毫暖之間無所 不聞 謂道固無所 2 況既有是心藏伏之久則其見 肵 而已所 獨見道固無時不然而 不在 獨 聞是皆常情所 而幽隱之 知吾心之靈 潜遁又有 間 細 忽 微 既 73

金気口屋白電 慎獨之意子乃分之以為兩事無乃破碎支離之甚 理之實事益體道之功莫有先於此者亦莫有切於 而入也曰諸家之說皆以戒慎不睹恐懼 此者故子思於此首以為言以見君子之學必由 欲之前而純乎義禮之發則下學之功盡善全美而 無須臾之閒矣二者相須皆反躬為已遇人欲存天 此尤不敢不致其謹馬必使其幾微之緊無 懼乎耳目之所不及則此心常明不為物蔽故於 巻一百二十 不 間 亳 PP 為

首尾但諸家皆不之察獨程子當有不愧屋漏與慎 此書卒章潜雖伏矣不愧屋漏亦兩言之正與此 獨是持養氣象之言其於二者之間特加與字是固 若其同為一事則其為言又何必若是之重複 獨則是其所謹者尤在於獨也是固不容於不異矣 言戒慎不睹恐懼不聞則是無處而不謹矣又言慎 見乎隱莫顯乎微則是要切之處尤在於隱微也既 即曰既言道不可離則是無適而不在矣而又言莫 即 相 E

大足可与在島 一

禮記集說

勢自相唱和各有血脈理甚分明 為慎獨之意則是持守之功無所施於平常之處而 下言君子之所謹者尤在於此幽隱之地也是其語 之處無所不用其戒懼而極言之以至於此也獨者 人之所不睹不聞也故上言莫見乎隱莫顕乎微而 已分為兩事而當時聽者有未察耳曰子又安知不 不聞也故上言道不可離而下言君子自其平常 不聞之不為獨乎曰其所不睹不聞者已之所 如日是兩條者皆 不

金厂厂口

屋と言

卷一百

文·巴口草 山島 天道一節最其用意深處然經文所指不睹不 慎其獨方是人下工夫處故皆以故之一字起頭 滞而無所當亦甚矣 以過不及為離道則似未盡耳其論天地之中 可衮作一段看了 乎隱莫顯乎微正是說道之本體下面戒慎恐懼必 專在幽隱之間也且雖免於破碎之幾而其繁複偏 獨 又 曰吕氏舊本所論道不可離者得之但專 禮記集說 又曰必致其知方肯謹獨方能 又曰道不可須史離及莫見 聞 性與 隱 不

衡 惟 而 氏 求 微 見夫所 銄 儿 虚 不 之 既失其青而 之間者乃欲使人戒懼乎此而不 北 語 動於其間 ご 可 欺感之而 亦非 **アス** 求 ن 謂 也豈不誤之甚哉若楊氏無適 則 論 中 庶乎見之是又别 孟 者 所 耳 能 本文之意 而遂 非 引 應者則 用 欲使人虚空其心反觀 執之以為應事之準 不 得於言必有事馬參前倚 固心之 至 謂 **ア**え 一 隱 謂 微之 使人欲之 16. 矣而 沥 間 非 求 則也 又 有 於 私 道 此 此 昭 曰 昭 吕 アス 得 JE.

金点

区屋

と言言

百

二 十

19

次定四車全書 使學者誤謂教無不在雖欲離之而不可得吾既 昧於形而上下之别而墜於釋氏作用是性之失且 舉履皆物也其所以 而 不 獨立是以無適而不有義理之準 肵 云則善矣然其言似亦有所未盡益衣食作息視聽 能 不由則是中庸之旨也若使指物以為道而 謂道者不外乎物而人在天地之間不能違 頃刻而離此百姓特日用而 ~ 禮記集說 如此之義理準則乃道也若曰 不 則不可項刻去之 知 耳則 是 物 不 曰 唯 而 知

莆 未若不聞之微也於其微而愈至尤見君子之慎獨 嚴陵方氏曰戒慎乎其所不睹非特人之所不睹 間也亦已之所不聞馬戒慎未若恐懼之至也不睹 亦已之所不睹馬恐懼乎其所 不可勝言者不但文義之失而已矣 陽林氏曰君子所以戒慎恐懼者豈有他哉謂莫 獨者不與物羣之時也 則雖猖狂妄行亦無適而不為道則其為害將有 卷 一百二十 不聞非特人之所 不 也

雖貴者亦不能之故詩曰相在爾室尚不愧于屋漏 猶能慎獨故詩曰肅肅免追施于中林先王之澤 非 顧隱然後至於微乃其序也古聖人之化行則賤者 也然顯生於微則君子以為莫顯乎微見然後至於 延平周氏曰戒慎者恐懼之理恐懼者戒慎之事隐 人之境以致其敬也 見也然見生於隱則君子以為莫見乎隱微非 竭 顯

顯

見乎隱微之際故也鼓鐘于宫聲聞于外雖居

次定四車全書 ~

禮記作說

+ 0

性命之正失性命之正則去道遠矣隱見微顯本 稱 觧 則 離失之患而離失之患常存乎須臾之際不須臾離 廣安游氏曰中之道至精至微易失而難守故常有 永嘉薛氏曰於所不見不聞之地有毫釐之差則失 難 不睹也所 用力至到極乎精微而無毫釐之失矣隱也微 知此君子所不敢忽獨者此心隱微未對物之 不 聞也皆言心之為物宅乎香真之中 卷一百二十 四 . . 也

在與則見其倚於衡也夫然後行非以為我之所 在也道之不可須史離也雖踏步此蹈之間不可離 也惟其無不在故不可須臾 龍泉葉氏曰按子張問孔子曰立則見其參於前也 延平黄氏曰道之無不在也雖梯拜瓦覺之間無不 而 也未有動乎中而不形於外者戒謹恐懼所 不自得觀感之教也 一也人之於道也造次顛沛而不可違者也無入 醀 72

た己可同 ALES

禮記集就

十五

金元四月月十二 新定顧氏曰道無方體 νu 見 醀 ſή 太虚而立無不在此道之中曰不 不聞著孰甚馬其義互相發明學者若專一 以堅實矣 則多前倚衡微 慎 如使 可離也明此道充塞無乎不在人不可 獨為入德之方則雖 可レス 離 孰甚馬以為人之所不見則 卷一百 則 是此道有在有不在非 猶太虚然有形之類無不 二 十 四 未至於道而忠信篤 可須臾 離 一致カ 也 得 非 不 於 睹 倚 戒 而

之又曰生於其心害於其政發於其政害於其事則 聽其言也觀其眸子人馬度哉則吾有念慮君子知 善者不之省彼特以為吾心隱微爾抑豈知其為至 謂道矣君子知道之不可以離也故從事於謹獨之 學則見夫世人矯飾於聲音笑貌之末而內心之弗 神之格思不可度思則吾有念慮鬼神知之孟子曰 不顧者也奚以知其然耶詩曰無曰不顯莫予云觀 見而至顯者乎天下之理無隱而不見者也無微而

大定司軍上馬...

禮記集就

十六

金好工匠石里 觀俯察前參後倚真有以見夫仁義禮知之則行 作也夫是之謂謹獨夫子所 吾有念應衆人莫不知之矣故念應該善可也苟惟 君臣父子長幼朋友之間皆吾性所本有分所當為 而人未及知隨其前樂之動以謹乎善利之幾則你 君子存其心養其性畏欲念之內起如畏冠盗之外 不善自作孽不可追豈不可為戒謹而恐懼哉是以 印魏氏曰誠能於睹聞之外隐微之際已所獨覺 謂用力於仁者也 四

たのりはんか 錢塘于氏曰子思發此一章誠之一字固肇於此 當戒謹恐懼而問那存誠也 蔡氏曰道也者不可須臾離以下言未發時也戒謹 而實不容以須史離也 又曰道者率性之謂學者於道不可頃刻而離若其 不睹恐懼不聞者所以鬧邪而存其誠也莫見乎隱 以下言發時也謹獨者所以審其念慮之初發也 可離則非率性之道矣故雖不睹不聞至静之頃亦 禮記集說

金好四月全書 喜怒哀樂之未發謂之中發而皆中節謂之和中也者 天下之大本也和也者天下之達道也致中和天地位 馬萬物育馬 馬 新定錢氏日方其不睹也不聞也自以為隱也而 鄭氏曰致行之至也位正也育生也長也 知其莫見於此馬自以為微也而不知其莫顯於此 氏曰喜怒哀樂縁事而生未發之時澹然虚静心 卷一百二十四

為 漁溪周氏曰性者剛柔善惡中而已剛善為義為直 發是人性之初本故曰大本情慾雖發而能和合道 和使陰陽不錯則天地得其正位生成得理故萬物 中 得其養育 理可通達流行故曰達道致中和言人若能致極中 無所慮而當於理故謂之中喜怒哀樂雖復動發旨 節 斷為嚴毅為幹固惡為猛為隘為強梁柔善為慈 限猶如鹽梅相得性行詣和故謂之和情慾未

を 日日年 日

禮記集說

+ /

金月七月月十 豈有二事先生曰中即道也若謂道出於中則道在 為順為異惡為懦弱為無斷為邪佞惟中者和也中 節也天下之達道也聖人之事也故聖人立教使人 下之大本和者天下之達道則性與道大本與達道 河南程氏曰吕與权中者道之所由出此 自易其惡自至其中而止矣 曰論其所同不容更有二名別而言之亦不可混為 事如所謂天命之謂性率性之謂道又曰中者 卷一百二十 四 語有病吕

性 達道言其用體用自殊安得不為二乎吕曰既云率 以云中者道之所由出先生曰中即性也此語極未 性循性曰道性也命也道也各有所當大本言其體 大本與達道可混而為一却未安在天日命在人日 而言之亦不可混為一事此語固無病若謂性與道 中内别為 之謂道則循性而行莫非道此非性中別有道也 即性也在天為命在人為性由中而出莫非道所 物矣所謂論其所同不容更有二名别

たらりゅんか

禮記集就

十九

圓 可姑 過 中行道如稱 权子 既不可謂之性 既 假此以 居 也者所 Ż 不可謂之天地則萬物決非 不及而立名若只以中為性則中與性不合子 雜之 對以中者性之德却為近之吕曰不倚 謂 眀 以狀性之體段也若 彼 和先生曰 天圓地方遂謂方 則道何從 又 曰不偏之謂中道無不中故 不倚之謂中甚善語猶 稱出於中益中之為 謂 圓 方圆之所自出 性有體 即 天地可乎方 段亦 女山 不

金吳四屆有電

卷

瑩不雜之謂和未當日曰喜怒哀樂之未發則赤 大人不失其赤子之心乃所謂允執厥中也大臨始 於權倒之審者正以至虚無所偏倚故也有一物存 者有見於此便指此心名為中故前言中者道之所 乎其間則輕重長短皆失中矣又安得如權如度乎 重度然後知長短物皆然心為甚此心度物所以甚 心應萬物之變無往而非中矣孟子曰權然後知 之心當其未發此心至虚無所偏倚故謂之中以此 輕

次三日巨白馬

禮記集說

主

金与口屋有量一 聖人同乎非謂無毫髮之異也大臨前日所 有不同矣然推孟子所云豈其止取純一無偽可與 大本也吕曰聖人知周萬物赤子全未有知其心固 由出也今細思乃命名未當耳此心之狀可以言中 之中赤子之心發而未遠乎中若便謂之中是不識 未可便指此心名之曰中先生曰喜怒哀樂未發謂 此而已此義大臨昔者既聞先生君子之教反求 巴若有所自得參之前言往行將無所不合由 卷一百二十四 云亦 是 取

九三丁豆 之心不測 動出入無時何從而守之乎求之於喜怒哀樂未發 而之馬似得其所安以是自信不疑今承教乃云已 之際而已當是時也此心即赤子之心無 也 失大本茫然不知所向聖人之學以中為大本雖堯 何所準則而知過不及乎求之此心而已此心之 相授以天下亦云允執其中中者無過不及之謂 謂物皆然心為甚 即孔子之絕四 禮記集說 其家 物偏間者 有 侍則 於則不 至明至平物之存乎 偽 PP 審 天地

金坛四届在書 本乎推此一言餘皆可見吕曰大臨以赤子之心為 偽無所偏倚可以言中若謂已發恐不可言心先生 發而言之今言赤子之心乃論其未發之際統一無 未發先生以赤子之心為已發所謂大本之實則先 曰所云非謂無毫疑之異是有異也有異者得為大 心可謂之和不可謂之中大臨思之所謂和者指已 所發純是義理與天下之所同然安得不和大臨前 日敢指赤子之心為中者其說如此來教云赤子之 卷一百二十四

PLED and Action 者為說詞之未瑩乃是擇之未精耳凡言心者指已 謂未發之前心體昭昭具在已發乃心之用也先生 者皆指已發而言然則未發之前謂之無心可乎竊 孟子之義亦然更不取折一一較其同異故指以為 曰所論意雖已發者為未發反求諸言却是認已發 言固未當以已發不同處為大本也先生謂凡言心 耳大臨初謂赤子之心止取純一無偽與聖人同恐 生與大臨之言未有異也但解赤子之心一句不同 禮記集說

未發是言在中之義只一箇中字但用不同或曰於 其所見何如耳大抵論愈精微言愈易差也伊川 喜怒哀樂之前求中可否曰不可既思於喜怒哀樂 之道與喜怒哀樂未發之中同否曰非也喜怒哀樂 是也有指用而言者感而遂通天下之故是也唯觀 發而言此固未當心一也有指體而言者寂然不動 不可謂之中但敬而無失即所以中也蘇季明問中 又曰敬而無失便是喜怒哀樂之未發謂之中也敬 卷一百二十四

金号四月在1

欠三り目 Amm | | 學者於喜怒哀樂發時故當勉強裁抑於未發之前 當如何用功曰於喜怒哀樂未發之前更怎生求但 博士言當求於喜怒哀樂未發之前信斯言也恐無 怒哀樂一般纔發便謂之和不可謂之中也又問吕 未發之前求之又却是思也既思即是已發思與喜 則可若言求中於喜怒哀樂未發之前則不可又問 著摸如之何而可也言存養於喜怒哀樂未發之時 平日涵養便是涵養久則喜怒哀樂發自中節或 禮記集就

時耳無聞目無見否然見聞之理在始得曰中是有 時而中否曰何時而不中以事言之則有時而中 中有甚形體曰既謂之中也須有箇形象曰當中之 中也曰中莫無形體只是箇言道之題目否曰非也 中是在中之義不識何意曰只喜怒哀樂未發便是 便是和也伊川 發而中節故是得中時中之類只是將中和來分說 有未發之中有既發之中曰非也既發時便是和矣 又問先生說喜怒哀樂未發謂之 卷一百二十

金号四月有書

とこううことう 覺處曰既有知覺却是動也怎生言静人說復其見 見天地之心惟頭言動見天地之心或曰莫是於 何也曰善觀者不如此却於喜怒哀樂已發之際觀 道言之則何時而不中曰故是所謂皆中然而觀 天地之心皆以為至静能見天地之心非也復之卦 之賢且說静時如何日謂之無物則不可然自有知 下面一畫便是動也安得謂之靜自古儒者皆言静 四者未發之時自有一 禮記集號 般意象及至接事時又自別 計

一多好四庫全書 總見得這是重便有這事出若能物各付物便自不 其止止其所也言隨其所止而止之人多不能止益 於仁人臣止於敬之類是也易之民言止之義曰艮 之好惡亦自在裡故聖人只言止所謂止如人君止 止且如物之好須道是好物之惡須道是惡物自好 上求静否曰固是然最難釋氏多言定一聖人便言 人萬物皆備遇事時各因其心之所重者更互而出 惡関我這裏甚事若說道我只是定便無所為然物

次足可与 A 在記事 或思一事未了他事如麻又生如何曰不可此不誠 皆要求一或日當静坐時物之過乎前者還見不見 静字曰謂之静則可然静中須有物始得這裡便是 之本也須是習習能專一時便好不拘思慮與應事 敬何以用功曰莫若主一季明曰某當思思慮不定 難處學者莫若且先理會得敬能敬則知此矣或曰 出來也或曰先生於喜怒哀樂未發之前下動字下 曰看事如何若是大事如祭祀前旒般明鞋緩充耳 盂

或問 道未遠也曰大人不失赤子之心如何曰取其純 禮勿 或曰當敬時雖見聞莫過馬而不留否曰不說道 天下之理原其所自未有不善喜怒哀樂未發何當 如鏡如止水伊 近道也日赤子之心與聖人之心如 凡物之過者不見不聞也若無事時目須見耳須 視聴言動勿者禁止之幹纔說勿字便不得 雜說中以赤子之心為已發是否曰已發而去 n 又曰性即理也 所 何日聖人之心 謂 理 性是也 非 也 闻

金少り屋と

卷一百

次已日早在的 一 皆有中發而皆中節謂之和非是謂之和便不中也 樂未發那裏有箇甚麼只可謂之中如乾體便健及 言和則中在其中矣中便是含喜怒哀樂在其中 分在諸處不可皆名健然在其中矣天下事事物物 未發謂之中只是言一箇中一作本體既是喜怒哀 後凶言是非皆先是而後非伊川 不善故凡言善惡皆先善而後惡言吉內皆先吉而 不善發而中節即無往而不善發而不中節然後為 禮記集就 又曰喜怒哀樂

金灯中屋石量 失最盡明道 言寂然不動者也故曰天下之大本發而皆中節謂 間停停當當直上直下之正理出則不是唯敬而無 其中節則謂之和 仁民而愛物聖人未嘗無欲也我欲仁斯仁至矣但 **惸獨聖人未嘗無懼也臨事而懼聖人未當無愛也** 伊川 無怒也一怒而安天下之民聖人未嘗無哀也哀此 又曰聖人未嘗無喜也象喜亦喜聖人未當 又曰喜怒哀樂未發謂之中中也者 又曰中者天下之大本天地之 卷一百二十四

たこうえこう 育在我而已故曰天地位馬萬物育馬然則三公所 建安游氏曰極中和之理則天地之覆載四時之化 是出以此事天饗帝 和四靈何有不至此體信達順之道聰明曆知皆由 明道 91 之和和也者言感而遂通者也故曰天下之達道 平唯上下一於恭敬則天地自位萬物自育氣無不 又曰致與位字非聖人不能言子思特傳之耳 又曰聖人脩已以敬以安百姓篤恭而天下 禮記集我 主 伊

金片四屆全書 與物戾非和也故發而皆中節謂之和中也者寂然 由中而出無人欲之私馬發必中節矣一不中節 性而已 於一偏而非中也故未發謂之中中者不偏之謂也 之體要也又曰怒者喜之反哀者樂之反既發則倚 不動之時也無物不該馬故謂之大本和也者所以 延平楊氏曰自天命之謂性至萬物育馬中庸 以愛理陰陽者豈有資於外哉亦盡吾喜怒哀樂之 篇 則

感通天地之故故謂之達道中以形道之體和以顧 之喜因其可物可喜也於孔孟何有哉其物也其喜 道之用致中則範圖而不過致和則曲成而不遺故 必中節矣發而中節中固未當忘也孔子之動孟子 心驗之則中之義自見執而勿失無人欲之私馬發 而皆中節謂之和學者當於喜怒哀樂未發之際以 也中固自若也鑑之始物因物而異形而鑑之明未 天地位馬萬物育馬又曰喜怒哀樂未發謂之中發

たこううことう

禮記集說

产

金分 毫髮有差便是不正要得常正除非聖人始得且 是無人正心若正得心其效自然 為則為出於不為亦此意也若聖人而無喜怒哀樂 當異也莊生所謂出怒不怒則怒出於不怒出為無 吾輩還敢便道自己心得其正否此須於喜怒哀樂 則 無也或問正心誠意如何便可以平天下口後世自 那に 天下之達道廢矣一人横行於天下武王亦不必 也故於是四者當論其中節不中節不當論其有 卷一百二十 女口 此 此一念之 間 业

四月全書

とこう え こよう 時中之謂乎中一也未發之中時中在其中矣持未 何有 未發之際能體所謂中於喜怒哀樂已發之後能得 發而皆中節謂之和感而遂通天下之故也中也和 發爾伊川先生曰未發之中在中之義是也譬之水 也非二也於此四者已發未發之間爾未發之中 河東侯氏曰喜怒哀樂之未發謂之中寂然不動也 所謂和致中和則天地可位萬物可育其於平天下 禮記集就 二十九

多好四屆全書 達道何也中者理也無物不該馬故曰大本由是而 育馬 中和二字響馬思過半矣然則中謂之大本和謂之 也湛然澄寂謂之静果其所行則謂之動静也動也 齊以之治國則國治以之平天下則天下平故曰達 之馬順此理而發君臣父子兄弟夫婦朋友之交達 道致此者非聖人不能故曰致中和天地位馬萬物 之天下其不由之以之修身則身修以之齊家則家 百二十四

中字曰喜怒哀樂未發之前不為無發而不為有不 木偶人怎生未發時便無一事得釋氏之說如此 發而未遠則可也且如今之小嬰兒逆情則啼順情 川只說箇不倚之謂中 則笑怎做得未發也近時人言中便說無一事如土 不識大本其說以赤子之心為未發伊川則日謂之 河南尹氏曰吕與叔初解出中庸世方大行伊川 知 如何尹曰甚好只是箇有無字便似釋氏然喜怒 寬問日寬軟以二字形容 謂 伊

欠已日月在島

禮記集說

手

體究得 是誠 除著箇中字别字形容便有病寬又曰如顏子之不 哀樂未發只是無所倚便是中發而皆中節謂之 乎此者也又問日只於喜怒哀樂之未發謂之中 遷怒此是中節亦只是中何故才發便謂之和尹子 可謂之和與時紫芝問中與誠只是一理意謂中 日雖顏子之怒亦是倚於怒矣喜怒哀樂亦然故 誠 即是中日非也 誠者盡乎此者也中者形 只 和 即

金安口屋人

卷一

百二十四

本云人莫不知理義當無過不及之謂中未及乎所 藍 以中也喜怒哀樂未發之前反求吾心果何為乎易 其本心原無過與不及所謂物皆然心為甚所取準 和以盡天地之和天地以此立化育亦以此行 也達道衆所出入之道極吾中以盡天地之中極吾 則以為中者本心而已由是而出無有不合故謂之 非中不立非和不行所出所由未當離此大本根 田吕氏曰此章明命中和及言其效情之未發乃

欠笔四事心事!

禮記集就

幸一

皆中也權然後知輕重度然後知長短物皆然心為 所應有期雖曰富有亦有時而窮故億則屢中而未 若子貢聚見聞之多其心已實如貨殖馬所蓄有數 撓乎其間乃所謂空由空然後見乎中實則不見也 空非中也必有事馬喜怒哀樂之未發無私意小知 皆何謂也回也其庶乎屢空唯空然後可以見乎中 毋必毋固毋我孟子曰大人者不失赤子之心此言 曰寂然不動感而遂通天下之故語曰子絕四母意

世历石雪

百二十

大足り巨 二 符節故曰喜怒哀樂之未發謂之中皆者竟之授舜 之差也此所謂性命之理出於天道之自然非人私 執之有私意小知撓乎其間故理義不當或過或不 差然人應物不中節者常多其故何也由不得中而 甚則心之度物甚於權度之審其應物當無毫疑之 日天之歷數在爾躬允執其中舜亦以命禹日人心 知所能為也故推而放諸四海而準前聖後聖若合 及猶權度之法不精則稱量百物不能無銖两分寸 禮記集在

治四方風動精義入神 禹豈非執中而用之無所不中節乎無過不及民有 道義之所從出乎後世稱善治天下者無出乎竟舜 惟危道心惟微惟精惟一允執厥中雖聖人以天下 授人所命者不越乎此豈非中之難執難見乎豈非 下之大本自中而發無不中節莫非順性命之理 治身之要合是可乎故苟得中而執之則從欲 和世有不治者乎聖人之治天下猶不越乎執中 卷一百二十 利用出入可也故曰中者天 而

金为四月全書

能盡其性則能盡人之性能盡人之性則能盡物之 已莫非庸言庸行而已人心之所同然人道之所共 參矣人者與天地並立而為三盡人之性則人道立 性能盡物之性則可以賛天地之化育可以與天地 庶物體信以達順者致和者也惟至誠為能盡其性 行不越乎合君臣父子昆弟夫婦朋友之交而已故 天地合德而通乎神明者致中者也察乎人倫明乎 曰和者天下之達道致中和者至誠盡性之謂故與

大三日日 人士

禮記集哉

투

金岁四屆在這 地之化育猶政事之所及而至誠上達與天地同 新安朱氏曰此第一章第三節喜怒哀樂情也其未 化育萬物者致中和之效也 圍不揜羣至于不麛不卯不般胎不覆巢此雖賛天 而位諸盡物之性則昆蟲草木與吾同生者也不合 人道不立則經不正經不正則顛倒逆施天地安得 人道立則經綸天下之大經而天尊地早上下定矣 則性也無所偏倚故謂之中發皆中節情之正也 卷一百二十四

たこりま 益天地萬物本吾一體吾之心正則天地之心亦 則極其中而天地位矣自慎獨而精之以至於應物 懼而約之以至於至静之中無少偏倚而其守不失 致推而極之也位者安其所也育者遂其生也自戒 共由道之用也此言性情之徳以明道不可離之意 由此出道之體也達道者循性之謂天下古今之所 之處無少差繆而無適不然則極其和而萬物育矣 無所垂戾故謂之和大本者天命之性天下之理皆 L. L.I. 禮記集說 JE

三十四

金分四周全書 發端終之所至極皆不外於吾心也益天命之性萬 然必其體立而後用有以行則其實亦非有兩事也 矣吾之氣順則天地之氣亦順矣故其效驗至於如 理具馬喜怒哀樂各有攸當方其未發渾然在中 也 故於此合而言之以結上文之意 道之教亦在其中矣是其一 此此學問之極功聖人之能事初非有待於外而修 日此推本天命之性以 卷一百二十四 明由教而入者其始之所 體 用 或問此一節 雖有動静之殊 何

大足り軍人的 然静而不知所以存之則天理昧而大本有所不 故曰天下之達道益天命之性純粹至善而具於人 地萬物之理無所不該故曰天下之大本謂之和者 心者其體用之全本皆如此不以聖愚而有加 所以著情之正道之用也以其古今人物之所共由 謂之和謂之中者所以狀性之德道之體也以其天 所 動 偏倚故謂之中及其發而皆得其當無所華戾故 而不知所以節之則人欲肆而達道有所不 禮記集裁 幸五 損 立 也

金多世屋石潭 其和 其至之謂 微 愈嚴愈敬以至於無一毫之偏倚而守之常不失馬 矣唯君子自其不睹不聞之前而所以戒慎恐懼者 則吾心正而天地之心亦正故陰陽動静各止其所 至於無一毫之差謬而行之每不違馬則為有以 則為有以致其中而大本之立日以益固矣无於隱 幽 而達道之行日以益廣矣致者用力 獨之際而所以謹其善惡之機者愈精愈客以 致馬而極其至至於静而無一息之不中 卷一百 (E) 推 致而 致 梴

次三四年 在馬 者之歸亦學者立志之初所當熟思而審知也故 體 學問之極功固有非始學所當議者然射者之的行 章雖為一 此乎育矣此萬化之本原一心之妙用聖神之能事 已馬其指深矣 而天地於此乎位矣動而無 而天地之氣亦順故充塞無閒歡欣交通而萬物 用之名則安得不二察其一 篇開卷之首然子思之言亦必至此而 曰然則中和果二物乎曰觀其 禮記作說 事之不和則吾氣 體一 用之實則 支 此 順

金灰工匠石量 為彼體彼為此用如耳目之能視聽視聽之由耳 言子獨以其事論然則自古衰亂之世所以病乎中 誣哉今以事言者固以為有是理而後有是事彼以 位矣兵亂凶荒胎殰卯 和者多矣天地之位萬物之育豈以是而失其常 不育矣凡若此者豈非不中不和之所致而又安可 曰三辰失行山崩川竭則不必天樹地覆而已為不 初非有二物也 曰天地位萬物育諸家皆以其 基 一百二十 殈 則不必人消物盡而已為 理 目 耶

彼達而在上者既曰有以病之則夫災異之變又豈 於其世而其所以致夫中和者乃不能有以救其 窮而在下者所能救也哉但能致中和於一身則天 二何耶曰善惡感通之理以及其力之所至而止耳 之為盡耳曰然則當其不位不育之時豈無聖賢生 不備有以啓後學之疑不若直以事言而理在其中 理言者亦非以為無是事而徒有是理也但其言之 雖亂而吾身之天地萬物不害為安泰其不能者

欠已日年在前

禮記集說

ミナセ

金为四月月十 有天地不位而萬物自育者也持據其效而推本其 世固未有能致中而不足於和者亦未有能致和而 事可也而分中和以屬馬將不又為破碎之甚耶曰 家 之士致中和 所以然則各有所從來而不可養耳 不本於中者也未有天地已位而萬物不育者亦未 天下雖治而吾身之天地萬物不害為垂錯其間 國莫不皆然此又不可不知耳曰二者之為實 如何得天地位萬物育先生曰有此理 卷一百二十四 有問若一

學者尤當虚心悉意以審其歸未可執其一言而逐 審而不完之中又失此書則此言之未當學者何自 已發而言而後書乃自以為未當向非吕氏問之之 集則是其書益不完矣然程子初謂凡言心者皆指 以為定也其說中字因過不及而立名又似并指時 便有此事有此事便有此理且如 下便歸仁為有此理故也 知之乎以此又知聖賢之言固有發端而未竟者 又曰程呂問答考之文 日克已如何天

End of the

禮記集說

후 스 求之喜怒哀樂未發之時則程子所以谷縣季明之 未得為定論也吕氏又引允執殿中以明未發之旨 立乎又其下文皆以不偏不倚為言則此語者亦或 有中節不中節之可言也無過不及之名亦何自而 謂之無所偏倚則可謂之無過不及則方此之時未 中之中而與在中之義少異益未發之時在中之義 謂中者乃指時中之中而非未發之中也吕氏又謂 則程子之說書也固謂允執厥中所以行之益其所

金好四月全書

卷一百二十四

卒以赤子之心為已發何也曰聚人之心莫不有未 獨赤子之心為然矣是以程子雖改夫心皆已發之 後可見若未發則純一 也但孟子所指赤子之心純一無偽者乃因其發而 發之時亦莫不有已發之時不以老稚賢愚而有别 當詳之未可見其不辨而遽以為是也曰然則程子 吕說為然者獨不知其於此何故略無所辨學者亦 問又已有既思即是已發之說矣凡此皆其決不以 無偽又不足以名之而亦非

KILL DIE LINE

禮記集乾

丰九.

矣然則此其為未發者耶曰聖人之心未發則為水 鏡之體既發則為水鏡之用亦非 録多失本真荅問不相對值 曰諸説如何曰程子備矣但其答瘾季明之後章記 但為未有喜怒哀樂之偏耳若其目之有見耳之有 以下文前旒黈纊之説参之其誤必矣盖未發之時 言而以赤子之心為已發則不可得而改也曰 明鏡止水之云固以聖人之心為異乎赤子之心 如耳無聞目無見之答 獨 指未發而言也

金月四月全十

卷一百二十四

こりえ 際觀之者則語雖要切而其文意亦不能無斷續至 未可也所謂無時不中者所謂善觀者却於已發之 陰而不為無陽則可而便以復之一陽已動為比則 有能知覺者而未有所知覺也故以為静中有物則 聞則當愈益精明而不可亂豈若心不在馬而遂廢 以動見天地之心為說亦不可晓益當至静之時但 可而便以才思即是已發為比則未可以為坤卦純 耳目之用哉其言静時既有知覺豈可言静而引行 2.4.5 禮記集說 尹一

銀好四月全書 之有禁以為酒戒然初未當以是而遂不行不飲也 祀時無所見聞則古之人制祭服而設旒續雖曰欲 静字之問若敬何以 於動上求静之云則問者又轉而之他矣其各動字 至若無事時須見須聞之說則皆精當但其曰當祭 使當祭之時真為旒續所塞如聲瞽則是 明使之一無見聞也若曰屦之有約以為行戒尊 不得廣視雜聽而致其精一然非以是而全敬 用功之問答思慮不定之問以 卷一百二十四 禮容樂

たこう言 節皆不能知亦將何以致其誠意交於鬼神哉程子 貨殖及心為甚者其於彼此益兩失之其曰由空而 復傳為可惜耳吕氏此章之說先多可疑如引屢空 有若不相值而可疑者大抵此係最多謬誤益聽他 紕 問者之情是以致此亂道而誤人耳然而猶幸其間 之言決不如是之過也至其答過而不留之問則 人之問而從旁竊記非惟未了答者之意而亦未悉 漏顯然尚可尋繹以別其偽獨微言之湮沒者 Litio ! 禮記集就 平二 又

倚至於事物之來此心發見喜怒哀樂各有攸當則 夫所謂中者而執之是以屢言之而病愈甚殊不知 之說也且曰未發之前則宜其不待著意推求而瞭 經文所謂致中和者亦曰當其未發此心至虚如鏡 後見夫中是又前章虚心以求之說也其不陷入於 浮屠者幾布矣益其病根正在欲於未發之前求見 之明如水之止則但當敬以存之而不使其小有偏 又當敬以察之而不使其小有差忒而已未有如是

金好四月在書

卷一百二十四

差則無所不差矣此吕氏之說所以條理紊亂援 然心目之間矣一有求之之心則是便為已發固 垂刺而不勝其可疑也程子譏之以為不識大本豈 之機不假人力方其未發本自寂然固無所事於執 何中之可得乎且夫未發已發日用之間固有自然 不動而執此未發之中耶此為義理之根本於此有 及其當發則又當即事即物隨感而應亦安得塊然 不得而見之況欲存而執之則其為偏倚亦甚矣又

た己切道 List

禮記集就

甲二

金为四周百言 止謂喜怒哀樂已發之處見得未發之理發見在此 於未發之際能體所謂中其曰驗之體之執之則亦 見執而勿失無人欲之私馬則發必中節矣又日須 云言和則中在其中者相似然細推之則程子之意 吕氏之失也其曰其慟其喜中固自若疑與程子所 不信哉楊氏所謂未發之時以心驗之則中之義自 渾然在中之中也若楊氏之云中固自若而又 物之中各無偏倚過不及之差乃時中之中 卷一百二十四

大官日華在島 一人 者未當須更離道平居無事則心常存乎中庸及其 喜怒哀樂之時其心漠然同於木石而始外示如此 **涑水司馬氏曰喜怒哀樂聖人所不免其異於衆人** 既發則以中庸裁之喜不失節怒不過分哀不傷生 不當論其有無則至論也 之言多雜於佛老故其失類如此其曰當論其中否 之形凡所云為皆不復出於中心之誠矣大抵楊氏 引莊周出怒不怒之言以明之則是以為聖人方當 禮記集就 里

中故天地位馬和故萬物育馬參觀二者之論則氣 其所從來則天地之所以位萬物之所以育益有不 之育而以和言之朱氏如此區别固未有害也深觀 東於吕氏曰自其天地之位而以中言之自其萬物 象自可見矣 可析者子思日致中和天地位馬萬物育馬龜山曰 子之所常行也故日達道 樂不極欲中者君子之所常守也故曰大本和者君 卷一百二十

金与口匠石丁

大包里和EE= 臨川王氏曰人之生也皆有喜怒哀樂之事當其未 其所欲之謂和夫所謂大本也者性非一人之謂也 發之時謂之中者性也能發而中喜怒哀樂之節謂 自聖人愚夫皆有是性也達道也者亦非止乎一人 之欲也則是中者性之在我者之謂中和者天下同 非情之罪也禮曰人生而静天之性也感物而動性 之和者情也後世多以為性為善而情為惡夫性情 也性善則情亦善謂情而不善者說之不當而已 禮記集就 早四

金步也是人 舉天下皆可以通行致中和天地位馬萬物育馬此 中和之致也 地位於下陽氣下降陰氣上蒸天地之間薰然春生 夏長而萬物得其生育矣易曰天地交而萬物生其 論中和之極雖天地之大亦本中和之氣天位於上 體故以體言之則中為天下之大本以用言之則和 而皆中節正情也故謂之和性以情為用和以中為 延平周氏曰喜怒哀樂之未發正性也故 謂之中發

大三可見 かち 一 龍泉葉氏曰按書稱人心惟危道心惟微惟精惟 為天下之達道中譬則見也和譬則利也七情言其 中節有不中節而惟中節為和和者與理會也渾然 長樂陳氏曰喜怒哀樂未發則渾然在中及發則有 四者言善則兼爱欲言怒則兼惡也 則天地可得而位萬物可得而育也 化萬物之所以生育皆中和而已故致其中和之極 則中故為大本發與理會故為達道天地之所以變 禮記集就 野五

金与四月石書 遠而天下之人不得共由之非其言之過而不知言 致於我而天地萬物之理遂於彼矣自舜禹孔顏 節則人心可以常行而不危不微不危則中和之道 允執殿中道之紀統體用卓然百聖所同而此章顯 矣然患學者涵玩未熟提命未審自私其說以近為 授最切其後唯此言能繼之中庸之書過是不外求 心可以常存而不微於將發之際能使其發而皆中 示開明尤為精的葢於未發之際能見其未發則道 卷一百二十四 相

Print Links 益人生而静是之謂性感物而動是之謂情曰未發 高要譚氏曰中庸大要指出本心教人存養而後發 殊皆具於此章但不加察爾 者之過也此道常在無階級之異無聖狂賢不肖之 發之時則可見矣欲見此心當極其精微不可少差 云者以為静耶却有動意以為動即却有静意既不 之乎外以應事物之變何謂本心求於喜怒哀樂未 可以動静言但以未發二字微見性有覺知可以出 禮記集該 野六

金与四月月十 有立故曰大本和為用見於有行故曰達道極中 君子用力之處和持發用之可見者爾中為體貴乎 體不先立則發之於外顛倒緣監其能和乎故中者 節矣事事中節乃名為和和即中之發也設使中之 有前定規模出而應物皆有準則裁量斟酌無不中 然具在於是一意涵養須史弗妄積久純熟智中便 意求索然而識之也識得此中則性之理道之體的 而應物之意就此便見本心故指名為中將使人精 卷一百二十四 た三日時にかう 也人之本心方其至静而不與物交也本與天地相 喜怒哀樂之未發為在內之中亦為两者之中所謂 在內之中謂未發而存乎香冥之內也兩者之中謂 其未發而本心純全至正至中無過差不及之患故 中在两者之間以為中如三以有中五亦有中之中 廣安游氏日中有二義在内之謂中如樂在其中之 之所以生育皆不外乎此理也 理廣大精微靡不該備故天地之所以真位萬物 禮記集說

萬物育 建安真氏日致中和而天地位萬物育此參天地替 化育之事也可謂難矣然求其所以用功者不過曰 與不及之患生矣惟發而中節即謂之和此言中之 天下也天地本有定位萬物本有發育所以失其位 而不能育者人亂之也故聖人能致中和則天地位 動而為和也大本以本心言也達道言其道通達於 似及其感於物而動而喪其本心則失其中正而過

金为四月月月

卷一百二十四

Cand and Lake 守一 睒 燠寒風應之董仲舒所謂人君正心以正朝廷正百 地 官正萬民則陰陽和 以此過人欲工夫到極處即所謂致中致和自然 以致中動時無不敬即所以致和為人君者但當 位萬物育如其子洪範所謂肅义聖指謀而雨 所未知之時而致謹者亦数也静時無不敬 而已益不睹不聞之時而戒懼者敬也已所 敬静時以此 涵養動時以此省察以此存天理 禮記集說 風雨時諸福百物莫不畢至皆 野ハ 即 獨 暘 恪 所

多好四庫全書 是此理 主中而為言也言道者主和而為言也言至誠者即 之能事問學之極功故子思子合而結之也 中和天地位萬物育推極中和之妙而言也此聖人 蔡氏日喜怒哀樂未發則性也謂之中者以其未發 自天命之謂性至萬物育馬為一篇之體下言徳者 乖戾也大本者萬殊一本也達道者萬世常道也致 而無所偏倚也發則情也謂之和者以其發而無所 卷一百二十四 又曰

於此乎或曰子思以中庸名篇而此乃推言中 萬物之所自來惟此中也天地之所以順動萬物之 為萬物矣推中和之極致乃至於此學者可不從事 所以化生惟此和也故舎中和則無以為天地無 致中和之義也 而位萬物無由而育奚以知其然耶天地之所自出 惟本於此中達於此和故非此中非此和天地無由 新定顧氏曰天地定位于上下萬物並育于兩間亦

大江日明 八十百

禮記集記

罕九

金分四月在書 其順動協應而言之謂之和豈有二道哉 形而言之謂之中自其悠久不變而言之謂之庸自 也 記集說卷一百二十四 日道無定名言有歸趣故道一 也自其寂然未發